

九葉金花永展舒八渠瓊水任相於七門得得俱通達四象明  
明總寂虛一粒神丹歸正路二條銀線結元初光輝燦爛知分  
付果證無餘樂有餘

### 磨鏡

磨鏡爭如磨我心我心自照遠還深鑑迴名利眞清淨顯出虛  
无不委沉一片靈光開大道萬般雲彩出高岑教公認取玄玄  
寶掛在明堂射古今

### 和落花韻

不謀輕舉望昇飛碧洞無勞閉玉扉久厭世情名與利素嫌人  
世是和非須知謹謹修心地何必區區街道衣門外落花任風  
雨不知誰肯悟希夷

### 道藏輯要

重陽全真集

三

上霄集一

### 題紅白牡丹

紅白絞綃剪作團青羅帳上穩排安清香遠噴无差別異質雖  
殊各正端塵世久遺三鳥種時人休作兩般看我今折得同歸  
去步步雲霞代彩鸞

### 遲法師註道德經

遵隆太上五千言大道無名妙不傳一氣包含天地髓四時幹  
運歲辰玄五行方闡陰陽位二曜初分造化權窮默昏冥非有  
說自然秘密隱神仙

### 劉仙求問

悟徹韶華六已通能將一已會飄蓬閑閑不用焚香火得得何  
須看教風好把靈明開遠近便令性曜出西東投真換假光輝  
至步步蓮花接上宮

邢公問七十二歲修行可否

便如百歲未爲遲只在心中換過時今世不能全了達來生應  
許做修持臨行一點須搜正收取三光亦復隨只是投新遺舊  
舍能除新舍得靈芝

示學道人

修行只被巧心多卻把金剛喚阿姪外貌人前誇俊雅內容目  
下愈蹉跎性中難以開金訣真理焉能悟玉科枉把妻男空棄  
捨將來罪業看如何

道藏輯要

重陽全真集

四

上門集一

贈柳蔣張夷仲

爲受張良講道經便遊勝景得清冷足穿水石通漣路面瞰雲  
山展畫屏萬戶人家三島瑩百般花草一般馨我今回首公休  
怪卻趁中南碧洞庭

春雨

一澤如膏賀太平天垂蔭祐洽民情行雲作蓋三光射和氣呈  
祥萬彙生滌出慧心尤寂靜洗開道眼愈分明攜筇便踏雲霄  
路請箇清閑倒玉觥

訓愚魯